

مرکز توزیع:
باب عالی جاده سنده
(اتحاد تجارت)
تبخانه سی ایله
(یکی توریه)
مطبعه سی

مجموعه اسلامی

ذی القعدة
۳۳۸

اداره خانه سی:
باب عالیده
(یکی توریه)
مطبعه سی فوقنده کی
داره مخصوصه

شرائط اشترا:

صاحبی، مدیری، محرری:

شرائط تحریر:

هر سنده یک برنجی وایکیتی آلی آبلغندن اعتباراً آتونه قید اولونور.
سهلکی: اون ایکی نسخه اولوق اوزره پوسته اجرتیه برابر
(۱۰۰)، آلی آلیقی: (۵۰) غروشدن. مالک اجنبیه ایچین
۵۰ و ۳۰ غروش علاوه سی لازمدر.



اسلامک نفعنه خادم یازیلر مع التشکر قبول ونشر اولونور. یازانک
شخصیتی دکل، یازانک مادیقی نظر دفته آتیر. کونده وایله جک آتار
اوقوناقلی ومختصرجه یازیلش اولالیدر. کن یازیلردن شایان قبول
کورولنلر تاریخ صیراسیله درج ایدلیر.

نک کچن سنه لره عائد و یک چوق معلومات مفیده بی حاوی اولان نسخه لری منتظماً
دیکلیمش و اوزره لرلرینه قالین برر قاپاق کچیریلرک مجلد کتاب حالته کتیرلمشدر. خیرالایس
اولایله جک بونفیس کتابلردن برنجیسنک موجودی بیتمش، ۷-۱۲ نجی نسخه لری پراکنده
اولارق قلمشدر. بهر نسخه سی ۱۰ غروشدن. ۲، ۳، ۴ و ۵ نجی جلدلرک بدلی پوسته اجرتیه
برابر یوزر غروشدن. طوغرودن طوغرویه اداره خانه یه داخلدن ۳۰۰ خارجدن ۳۵۰ غروش کونده ریلدیکی
صورته هر درت جلدی یوللانیر.

منبرجات:

محفل علمی: افاده مخصوصه. تفسیرلر، مفسرلر. برغمه لی جودت افندی. اسلام تاریخنده اسناد - شیخ زاهر افندی.
قل هو الله احد - میرالای عبدالرحمن یک. هلاک ثبوتنده شهادت ایله حسابک تعارضی - محمد عارف افندی.
خیال - احمد نظیف یک. عالم اسلام سالنامه سی - سعدی یک.

محفل ادبی: وداع - معرافندی.

محفل تاریخی: عبدالرحمن الصوفی - عبدالرحمن یک. ذی القعدة مناسبتیه - طاهر المولوی.

افاده مخصوصه

بسم الله وبحمده والصلاة علی رسوله وعبدہ

ای ضیاء الحق حسام الدین بسی

میل می جوشد بقسم سادسی

« ای حقک ضیاسی اولان حسام الدین!

آلتنجی قسم ایچین بنده جوق میل پیدا اولونور »

« آلدنه بولونان بوییت، (مشوی شریف) ک جلد

سادسنده کی ایاتک فاتحه سیدر. مخاطب اولان

(ضیاء الحق حسام الدین) ایسه مشونیک کاتبی

وقائل مشونیک جانشینی اولان حسام الدین چلبی

افندی حضر تلریدر.

محفل مجموعه سی ده بتوفیقہ تعالی بو نسخه ایله

آلتنجی سنه نشریاتنه ابتدار ایله دیکندن بسمله،

حمدله وصلوله دن صوکر ا تبرکاً اویت شریف ایله

سوزره باشلامانی مناسب کوردم.

دواملی قارئلر یمزک معلومیدرکه: محفلک ایلاک

نسخه سی ۳۳۸ ذی القعدة سنه ، بشنچي جلدك خاتمه سنی تشكيل ايله ين آلتشنچي نسخه سی ده ۳۴۳ شوالنده نشر اولونمش، وجوده كان مجلدات ايسه مندرجاتك فوائد علمیه سی طولانیسیله (پنج گنج) دینه بیله جك بر درجه ده بولونمشدر .

بلکه جلد سادس ده اولکيلره لاحقۀ فائده اولور وحضرت مولی العاشقینک :

شش جهت را نوردہ زین شش صحف کی بطوف حوله من لم یطف تمنیسی ظهور ایدر .

تحدیث نعمت قیلندن عرض ایتدیکم بو سوزلردن بنم حصه مه اصابت ايله جك اولان ، آنجاق محفلک تأسیسی و جانشپارانه بر غیرتله ادامه سی اقتخاریدر . یوقسه شرف اصلی ، او مجلداتک مندرجات نافعہ سنی املا ايله مش اولان ذوات فاضله یه عائددر .

بونی پک صمیمی اولارق اعتراف ايله برابر شیمیدی یه قدر محفلک معاونت تحریریه سنه ده بولونان ذوات کرامه تشکرات متدارانه می تقدیم ایدر ، بوفضیلتی وحمیتلی ارباب معارفک یاردیمندن مجموعه نک کماکان مستفید اولاجغی ده اومارم .

* *

کچن نسخه ده سویله نیلیدیکی وبر آز اول تکرار ایدیلیدیکی وجهله محفل، آلتنجی جلدینه ابتدار ايله مش و ۴۹ نجی نومروده اعتباراً سنه ۱۳۵۶ نجی ده ابتداء آلتی آیلره آونہ اولونلرک مدتی هتتام بولمشدر .

مجلدات سابقه ده کورولن تدریجی تکاملک ان شاء الله بو جلدده کوستریله سی ده اداره جه مصممدر . فقط بعداجز ، قولیاتدن زیاده فعلیات طرفداری اولدیغ و بر چوق وعدلرده بولونوب ده

اولنری انجاز ایدمه مه یی شارلاتانلق صایدیغ ایچین بوجلدک مندرجاتنده سویله تکمل و بویولده شوع اراۀ ایدیله جکدر دییه شیمیدین اوزون بویلو صایوب دوکمه یه جکم . شوقدر سویله یه جکم که مجموعه ده تکامل کورولمه سی ، هرشیدن اول اوکا رغبت کوستریله سیله ممکن اولایلیر . بناء علیه دائمی قارئلریمیزک کچن وبوسنه لره عائد آونہ بدلاتی تأدییه خصوصنه همت و مسارعتلری محفل اداره سی ایچین شوق وغیرته وسیله تشکیل ایدمه جکدر . بزم نزا کتمزه قارشى لا قیدیلرینی محافظه ايله یئرلرک ، دوام ارسالاتی آرزو ایتمه دکلرینی بیلدیرمه لری ده هیچ اولمازسه پوسته مصارفزی تقیصه مدار اولاجقدر .

درخانه اگر کس است يك حرف بس است

طاهر المولوی

محفل علمی :

تفسیرلر - مفسرلر

تفسیر بالدرایه نک سکنجی مرتبه سی

آیات وسورک مناسباتی خصوصنی تدقیق مرتبه سیدر آیات وسورک آرازلنده کی مناسباتک لزوم وجودینه قائل اولانلرله انکار ایدنلر آراسنده خلی قیل وقال وقوع بولمش ، (عزالدین بن عبدالسلام) ايله متأخرین مفسریندن (صدیق بهادرخان) بونلرک هر ایکسی « مختلف اغراض ومتنوع اسباب اوزرینه نازل اولان آیات آراسنده مناسبت آرامق بیهوده تکلفدن عبارتدر » دیمشله سه ده مناسبت قائل اولان جمهوره کوره آیات شریفه حسب الوقایع نازل وحسب الحکمہ مرتب اولارق نازل اولمشدر . فخر رازی که تفسیرینک هیچ بر یرنده مناسبت درمیان ایتمه دن کچمز، او دیوزرکه :